



UNIVERSITÄTS-
BIBLIOTHEK
PADERBORN

Universitätsbibliothek Paderborn

**D. Burchardi VVormaciensis Ecclesiae Episcopi,
Decretorum Libri XX. ex Consiliis, & orthodoxoru[m]
patru[m] Decretis, tum etiam diuersaru[m] nationum
Synodis, ceu loci communes congesti, in quibus ...**

Burchardus <Wormaciensis>

Parisiis, 1549

De hoc cur in hac vita sæpius bonis malè sit,& malis bene. xcviij.

urn:nbn:de:hbz:466:1-10722

ditionis rapit, qui & nunc priusquam appareat, innumera-
biles quidem, non tamé omnes carnales trahit. Quia quo-
tidie carnali opere ad vitá multi reuocantur, atque ad sta-
tum iustitiæ, alii per breuem, alii verò per longam pœni-
tentiam redeunt: & nunc innumerales rapit, cum falsi-
tatis suæ stupēda hominibus signa non exhibet: cum verò
coram carnalium oculis miranda eis prodigia fecerit, post
se tunc non innumerales, sed omnes trahit: quia qui bo-
nis præsentibus delectantur, potestati illius se absque re-
tractione subiiciunt. Sed, sicut præfati sumus: quia plus est
omnem hominum quàm innumerales trahere, cur prius
dicitur, quia omnem trahit: & post in augmento innume-
rabiles subiiciuntur? Ratio nauque expetit, vt prius quod
minus est, & post in augmento quod maius est, diceretur.
Sed sciendum, quia in hoc loco plus fuit innumerales dā-
xisse, quàm omnes. Post se enim omnem hominem trahit:
quia in tribus annis & dimidio, omnes quos in studiis vitæ
carnalis inuenerit, iugo suæ damnationis astringit. Ante
se verò innumerales trahit: quia per quinq; milia, & ad-
huc amplius annorum curricula, quanuis carnales omnes
trahere minimè potuit, multò tamen plures sunt in tā lon-
go tempore hi, quos ante se innumerales rapit, quàm o-
mnes, quos in tam breui tēpore rapiendos inuenerit. Bene
ergo dicitur, post se omnem hominē trahit, & ante se in-
numerales: quia & tunc minus tollet, cum omnes tulerit:
& nunc amplius diripit, cum corda omniū nō inuadit.

*Quòd in nouissimis omnes Israelita per prædicationem
Helie conuerti debeant. Cap. XCVII.*

SED extremò Israëlita omnes ad fidem cognita Helie *Grego. in
suis mora
lib^o dicit,*
prædicatione concurrunt, atque ad eius protectionem
quem fugerant, redeunt: & tunc illud eximium multiplici
aggregatione populorum conuiuium celebratur.

*De hoc cur in hac vita sæpius bonis malè sit, &
malis bene. Cap. XCVIII.*

CVM valde occulta sint diuina iudicia, cur in hac vi- *Grego. in
suis mora
lib^o dicit,*
ta nonnunquã bonis malè sit, malis bene: tunc occul-
tiora sunt, cum & bonis hic bene est, & malis malè. Nam
cum bonis malè est, malis bene, hoc fortasse deprehendi-
tur: quia & boni si qua deliquerunt, hic recipiunt, vt ab

D. BURCHARDI. EPIS. VVORMAC.

æterna plenius damnatione liberentur. Et mali bona, que pro hac vita faciunt, hic inueniunt, vt ad sola in posterum tormenta pertrahantur. Vnde & ardenti in inferno diuini dicitur: Memento fili, quia recepisti bona in vita tua, & Lazarus similiter mala. At cū bonis hic bene est, & malis male: incertum valde fit, vtrum boni idcirco bona accipiant, vt prouocati ad aliquid melius crescant, an iusto latentique iudicio hic suorum operum remunerationem percipiant, vt à premiis vitæ sequentis inanescent. Et vtrum malos idcirco aduersa feriant, vt ab æternis suppliciis corrigendo defendant: an hic eorum pœna incipiat, vt quodamque cōplenda, eos ad vltima gehennę tormenta perducant.

Quod etiam omnes infideles resurgere debeant ad tormenta, non ad iudicium. Cap. XCIX.

Grego. in suis mora lib^o dicit.

Resurgunt verò etiam omnes infideles, sed ad tormentum, non ad iudicium. Non enim eorum tunc causa discutitur, qui ad conspectum districti iudicis, iam cum damnatione suæ infidelitatis accedunt. Professionem verò fidei retinentes, sed professionis opera, non habentes, redarguuntur vt pereant. Qui verò nec fidei sacramenta tenuerunt, increpationem iudicis in extrema examinatione non audiunt: quia præiudicatur infidelitatis suæ tenebris, eius quem despexerant inuectione redargui nõ merentur. Illi saltem verba iudicis audiunt, qui eius fidei verba tenuerunt: isti in damnatione sua æterni iudicis, nec verba percipiunt: quia eius reuerentiam, nec verbo tenus seruare maluerunt. Illi legaliter pereunt: quia sub lege positi peccauerunt: istis in perditione sua de lege nihil dicitur: quia nihil legis habere conati sunt.

Quod omnes homines resurgere debeant. Cap. C.

August. dicit.

Omnium hominum erit resurrectio. Si omnium erit, ergo omnes moriuntur, vt mors in Adam data, omnibus eius filii dominetur: & maneat illud priuilegium in domino, quod de eo specialiter dicitur, non dabis factum tuum videre corruptionem. Hanc rationem maxima patrum turba tradente suscepimus. Verum, quia sunt & alii æquè catholici, & eruditi viri, qui credunt anima in corpore manete, immutandos ad corruptionem, & im-